

Qeqqata Kommunianni najukkami ataatsimiititaliap suleriaasissaa

Najukkami ataatsimiititaliap ataatsimiinneri

§ 1. Najukkami ataatsimiititaliat ataatsimiinneri pisortatigoortuupput. Taamaattorli Najukkami ataatsimiititaliap takuuk Najukkami ataatsimiititaliap Qeqqata Kommunianni Maleruaqqusai 8, imm. 2, aalajangersinnaavaa suliaq ataaseq matoqqasumik suliarisinnaallugu.

Imm. 2. Suliassap matoqqasumik ataatsimiissutigisariaqarneranik apeqqut matoqqasumik ataatsimiinnermi isumaqatiginninniutaassaaq, matumani taamaaliornissaq najukkami ataatsimiititaliamit imaluunniit siulittaasumit aalajangerneqarpat.

Imm. 3. Najukkami ataatsimiititaliap suliassat matoqqasumik oqaluuserineqarneranni inunnik kommunimi atorfeqartunik najuuttoqarsinnaanera akuerisinnaavaa.

Imm. 4. Taamaattorli Qullersaqarfik sulisumik peqataatitaqartoqartuaannarsinnaavoq, aamma suliat ataatsimiinnerni matoqqasuni oqaluuserineqarnerisa nalaanni.

§ 2. Najukkami ataatsimiititaliap sulinini ataatsimiinnerni ingerlatissavaa.

Imm. 2. Ileqquusumik ataatsimiinnerit qaqugu sumilu ingerlanneqassanersut najukkami ataatsimiititaliap aalajangertassavaa. Piffissaq sumiiffillu kingusinnerpaamik ullut 14-it sioqqullugit tamanut nalunaarutigineqartassapput. Najukkami ataatsimiititaliap ataatsimeerngaarnermini ukiumut pisussat akuersissutigissavai.

Imm. 3. Najukkami ataatsimiititaliap allatseqarfimmit ikiortaa tassaassaaq allattaavimmut allattuisartog ataatsimiititaliaq allamik aalajangiussaqaarsimangippat.

Imm. 4. Ataatsimiititaliap ilaasortaa ataatsimiinnissamut peqataasinnaangikkuni ataatsimiinnissamut aggersaassut tiguniararuniuk siulittaasumut nalunaaruteqartassaaq. Siulittaasup sinniisussaq siulleq ataatsimiinnissamut aggersassavaa. Aalajangikkanut allattaavimmut ataatsimiinnerit tamarluinnaasa ilaasortat kikkut najuutinnginnersut kikkullu nalunaaruteqarlutik najuutinnginnersut allattorneqassapput

Oqaluuserisassat nassiunneqartarnerat suliallu saqqummiunneqartarnerat

§ 3. Najukkami Ataatsimiititaliamut apeqquteqaatit allakkatigut ingerlanneqassapput. Ileqquusumik ataatsimiinnissaq kingusinnerpaamik ullunik 21-nik sioqqullugu allakkatigut suliassaq oqaluuserineqassasoq qinnutigineqarsimappat taanna siullermik ataatsimiinnissami oqaluuserisassanut siulittaasumit ilanngunneqassaaq.

Imm. 2. Siulittaasup kissaateqarneratigut, kingusinnerpaamik ileqquusumik ataatsimiinnissaq ullunik marlunnik sioqqullugu oqaluuserisassat ilaasortanut ataasiakkaanut nassiunneqassapput.

Imm. 3. Ataatsimiinnermi nalinginnaasumi suliaq ullormut oqaluuserisassanut ilanngunneqarsimagaangat, suliamut atortut pisariallit naliliisuussapput – tamanna sioqqullugu Qeqqata Kommuniata nittartagaani ilaasortanut nassiunneqareersoq ataatsimiinnissaq ullunik arfinilinnik sioqqullugu takuneqarsinnaalereersimangippat. Peqatigitillugu suliassat allattorsimaffiat saqqummiunneqassaaq.

Imm. 4. Immikkut ittumik ataatsimiittoqarnissaanut aggersaanermi ataatsimiititaliami siulittaasup ilaasortat sapinngisamik annertunerpaamik ataatsimiinnermi suliat suliarineqartussat pillugit ilisimatittassavai.

Aalajangiisinnatitaaneq, ataatsimiinnermik aqutsineq suliallu saqqummiunneqartarneri.

§ 4. Najukkami ataatsimiititaliaq aalajangiisinnaassuseqarpoq Sisimiuni ilaasortat ikinnerpaamik ilaasortanit arfineq marluusunit sisamat najuutsillugit aammalu Maniitsumi ilaasortat ikinnerpaamik ilaasortanit tallimaasunit pingasut najuutsillugit, takuuk § 9, imm. 1 maleruaqqusani.

Imm. 2. Najukkami ataatsimiititaliap ataatsimiinnerani siulittaasoq aqutsisuusaaq, taassumalu peqannginnerani siulittaasup tullia aqutsisuussalluni. Siulittaasoq ataatsimiinnermik aqutsisarpoq ataatsimiinnerullu torersumik ingerlannissaa nakkutigissallugu. Aammattaaq siulittaasup oqaluuserisassat sorliit taasissutigineqassanersut oqaasertalersortassavai.

Imm. 3. Kinaluunniit oqaaseqarusuttoq siulittaasumut saaffiginnissaaq, taassumalu oqaaseqarumallutik nalunaartut tulleriinneri malillugit oqaaseqartittassavai. Ilaasortat arlallit oqaaseqarumallutik ataatsikkut piunasaqaateqarpata siulittaasup oqaaseqartussat tulleriinnilissavai. Oqaaseqartut siulittaasuungitsumik kipitinneqassanngillat.

Imm. 4. Torersumik ingerlatsinissap eqqortinneqarnissaanut tunngatillugu siulittaasup aalajangiinera ilaasortanit ataasiakkaanit ataqqineqassaaq. Ilaasortaq ataatsimiinnermi ataatsimi marloriarluni torersumik pissuseqarnissamik peqquneqarsimappat siulittaasup siunnersuuteqarneratigut ataatsimiinnermi tassani oqaaseqaqqissanngitsoq najukkami ataatsimiititaliap aalajangersinnaavaa.

Imm. 5. Siulittaasup apeqqutit aalajangiinnerminut attuumassutillit pillugit Najukkami ataatsimiititaliamut aalajangigassanngortissinnaavai.

§ 5. Suliassat ataatsimiinnermi oqaluuserineqassapput siulittaasup tulleriinnilersuina malillugu, taamaalillunilu oqaluuserisassanut takussutissiami tulleriinnilersuineq saneqqussinnaallugu.

Imm. 2. Ataatsimiinnerup aallartinnerani ilaasortaq kinaluunniit oqaluuserisassanut oqaaseqarusulluni piunasaqarsinnaavoq, suliassanik sularinninnissamut tulleriiaarsimanagerat pillugu apeqqutip eqqarsaatigineqarnera aamma matoqqasumik sularinninnissamiit ammasumik sularinninnissamut paarlattuanullu ilanngullugu.

Ilaasortat ataatsimiinnermut taasinernullu peqataasarnerat

§ 6. Najukkami ataatsimiititaliaq aalajangiisaaq, attuumavallaarneq pillugu malittarisassat atuuttut toqqammavigalugit, ilaasortap suliassat soqutiginninneranut qanoq inissisimaneq pillugu, ilaasortaq Najukkami ataatsimiititaliamut peqataasinnaannginnersoq, isumaqatiginninniaqataasinnaannginnersoq suliassat taasineqataasinnaannginnersoq. Ilaasinnaanngippat pineqartoq suliap saqqummiunneqarnerani, isumaqatigiissutiginiarneqarnerani taasissutigineqarneranilu ataatsimiittarfimmiissanngilaq. Suliap pineqartup sularineqarnerani ilaasortaq Najukkami ataatsimiititaliap isumaqatigiinniarnanilu taasineranilu peqataasinnaalluni.

Imm. 2. Ilaasortap pissutsinik suliassanilu aalajangersimasuni inuttut soqutigisaqarnini pissutigalugu ataatsimiissutiginninnermi taasineranilu peqataasinnaannginnerminut nalornisoornartoqartillugu ataatsimiititaliaq ilisimatissavaa.

Imm. 3. Taasinerit ima ingerlanneqartassapput, ilaasortat issiavimminniit nikuittarlutik, nappaasarlutik imaluunniit arlaatigut paatsoorneqarsinnaanngitsumik siunnersuummut isumaqataanerlutik isumaqataannginnerlutilluunniit nalunaarutigalugu.

Imm. 4. Aalajangiinerit tamarmik amerlanerussuteqarneq naapertorlugu aalajangerneqartassapput, tassa inatsimmi allanik allassimasoqanngippat.

Imm. 5. Siulittaasup nalilerpagu, suliap inerneru qularutissaanngingaarmat taasinissaq pisariaqanngitsoq, taava taamatut paasinninnini oqaatigeriarlugu suliambut tunngatillugu qanoq aalajangiisoqassanersoq oqaatigisassavaa. Tamatuma kingorna ilaasortat arlaannaalluunniit taasisitsinissamik piumasqaateqanngippat siulittaasooq nalunaaruteqassaaq, nammineq paasinninnini naapertorlugu oqaatigisamisut suliassaq aalajangiivigineqartoq.

Aalajangiinermit najoqqutassiaq

§ 7. Siulittaasup suliassaraa ataatsimiititaliap isumaqatigiissutigalugit aalajangigai aalajangersakkat allattorsimaffiannut nalunaarsussallugit. Nalornissuteqaruni qanoq allattoqassanersoq tamanna siulittaasumit suliarineqassaaq.

Imm. 2. Ilaasortap kialuunniit piumasarisinnaavaa isummani allaasooq imaqarniliambut naatsumik allanneqaqqullugu, suliinilu pisortatut oqartussaasumut allamut ingerlateqqitassani piumasarisinnaallugu taassuma aamma imaqarniliap imaanik ilisimatinneqarnissaa. Ilaasortap taassuma suliap nassiunneqarnerani suliap ilaqartissinnaavaa nammineq isummaminut tunngavilersuutigisaminik. Ilaasortalli tamatuma allakkatigut aalajangersakkat allattorsimaffiannut isumaginnittuumut tunniunnissaa akisussaaffigisavaa.

Imm. 3. Aalajangersakkat allattorsimaffiat ataatsimiinnerup naammassinerani ataatsimeeqataasimasunit atsiomeqassaaq. Ilaasortaq ataatsimiinneq tamakkerlugu peqataasimanngippat tamanna imaqarniliami nalunaarsomeqassaaq, oqaluuserisanilu sorlarni peqataasimannginnersoq ilanngullugu. Ilaasortat taasinermittut innersuussuteqarlutik imaluunniit allanik pissuteqarlutik aalajangiinnerut imaqarniliamik atsiuinissartik tunuarsimaarfigisinnaanngilaat. Imaqarniliaq ataatsimiititaliap ilaasortaanut, sinniisuinut Najukkamilu ataatsimiititaliamut ataqatigiissaarisumut nassiunneqassaaq.

Imm. 4. Aalajangersakkat allattorsimaffiannut nalunaarsomeqartassaaq ataatsiminneq qanga aallartinnersoq qangalu naammassinnersoq.

Nipangiussisimasussaataaneq

§ 8. Ataatsimiititaliami ilaasortat ilaasortaanermittut atatillugu paasissutissanik isertuussassanik ilisimalersimasaminik, matumani suliap matoqqasumik suliarineqartut ilanngullugit, nipangiussisussaataaneq pillugu qaqugukkulluunniit malittarisassat atuuttut naapertorlugit nipangiussimassavaat.

Allattoqarnikkut ikiortissaqarneq

§ 9. Najukkami Ataatsimiititaliat ataatsimiinnissamut atatillugu Qeqqata Kommunianit allaffissomikkut ikiorsemegartassapput.

Imm. 2. Najukkami Ataatsimiititaliat aningaasartuutaat ataatsimiinnermut tunngasut, assersuutigalugu nutserisoqamiarnermut allatseqarnermullu tunngasut Qeqqata Kommunianit aningaasalersomeqartassapput.

Imm. 3. Ataatsimiititaliap tamatigut ataatsimiinneranit imaqarniliaq, siulittaasooq suleqatigalugu Qullersaqarfik suliarineqartassaaq. Imaqarniliaq ataatsimiititaliap ataatsimiinnerata kingorna kingusinnerpaamik ullut tallimat qaangiuppata ilaasortanut tunniunneqareersimassaaq.

Atuutilersitsineq il.il.

§ 10. Ileqqoreqqusaq una atuutilissaaq ulloq. 29. maj 2019

Imm. 2. Suleriaasissamut allannguutissatut siunnersuutit kommunalbestyrelsimut akuerisassanngorlugit saqqummiunneqassapput.



Malik Bertheisen

Borgmesteri